



PRAVILNIK

O UTVRĐIVANJU USLOVA, KRITERIJA I POSTUPAKA ZA OSTVARIVANJE PRAVA NA DODJELU PLASTENIKA U PROJEKTU „EKONOMSKO OSNAŽIVANJE SOCIJALNO I MATERIJALNO UGROŽENIH OSOBA I MLADIH OSOBA KROZ PROIZVODNJU POVRĆA U PLASTENICIMA“ – OPĆINE VOGOŠĆA U 2018. GODINI

I OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava na dodjelu plastenika u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima za općinu Vogošća u 2018. godini.

Član 2.

Pravo na učešće u Projektu imaju socijalno i materijalno ugrožene osobe i mlade osobe sa područja općine Vogošća koje posjeduju vlastito obradivo zemljište, ili njihovi članovi uže porodice, s tim da moraju sa njima sklopiti Ugovor o zakupu ili Ugovor o korištenju u neposrednoj blizini stambenog objekta u kojem stanuju.

II PRAVA UČEŠĆA I USLOVI ZA DODJELU PLASTENIKA

Član 3.

Podnosioc zahtjeva treba da ispunjava slijedeće uslove:

1. Da je nezaposlena ili socijalno i materijalno ugrožena osoba
2. Da je upisan u Registar poljoprivrednih gazdinstava i klijenata u Općini Vogošća i izvršio ažuriranje podataka za 2018.godinu, ili dostaviti ovjerenu izjavu da će se upisati u Registar poljoprivrednog gazdinstva i klijenata prije podjele plastenika,
3. Da je podnosilac zahtjeva ili član uže porodice vlasnik obradivog zemljišta pogodnog za plasteničku proizvodnju i koje se nalazi u neposrednoj blizini stambenog objekta u kojem stanuje,
4. Da ima mogućnost navodnjavanja plastenika,
5. Da sufinansira 20% od nabavne cijene plastenika sa pratećom opremom (487,00 KM),
6. Da obavezno prisustvuje edukaciji iz oblasti plasteničke proizvodnje u trajanju od dva dana.

Sližba za privredu, integrisani lokalni razvoj i društvene djelatnosti Općine Vogošća je nosilac aktivnosti vezanih za realizaciju Projekta.

III KRITERIJI ZA DODJELU PLASTENIKA

Član 5.

Kriteriji za bodovanje podnosioca zahtjeva:

- a) pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta), 1-3 boda,
 - slabi uslovi (veliki nagib, udaljenost od kuće više od 200 m) 1 bod
 - dobri uslovi (relativno veliki nagib, udaljenost od kuće do 100 m) 2 boda,
 - jako dobri uslovi (blagi nagib, blizu kuće, dobar pristup) 3 boda.

Kandidati kod kojih se na terenu utvrdi da ne posjeduju obradivo zemljište pogodno za plasteničku proizvodnju (npr.veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlen (vrijeme provedeno na birou za zapošljavanje), od 1-4 boda,
 - od 0-3 god. 1 bod,
 - od 3-6 god. 2 boda,
 - od 6-10 god. 3 boda,
 - više od 10 god. 4 boda,
- za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje – 1 bod,
- za svakog izdržavanog člana porodice (nezaposlene osobe koje se nalaze na evidenciji nezaposlenih osoba na Birou za zapošljavanje, djeca, učenici i sl.) – 1 bod,
- mlade osobe životne starosti do 35 godina – 3 boda,
- ako je podnosilac zahtjeva samohrani roditelj – 2 boda
- socijalni aspekt – nema primanja -6 bodova
- socijalni aspekt – minimalna primanja po članu domaćinstva do 100,00 KM-5 bodova
- socijalni aspekt – minimalna primanja po članu domaćinstva do 200,00 KM -4 boda,
- socijalni aspekt – minimalna primanja po članu domaćinstva do 250,00 KM - 3 boda,
- socijalni aspekt – minimalna primanja po članu domaćinstva do 300,00 KM - 2 boda,
- socijalni aspekt – primanja po članu domaćinstva veća od 300,00 KM - 0 bodova
- socijalni aspekt stanje na terenu: 0-4 boda.

Kada kandidati pri bodovanju imaju isti broj bodova, prednost će imati kandidati koji imaju status mlade osobe.

IV POTREBNA DOKUMENTACIJA

Potrebna dokumentacija za dodjelu platenika:

1. prijavni obrazac - zahtjev,
2. kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica) za 2018. godinu, ili izjava da će se upisati u Registar poljoprivrednog gazdinstva prije dodjele platenika,
3. ovjerena kućna lista,
4. dokaz o radno-pravnom statusu svih punoljetnih članova domaćinstva (potvrda o radnom odnosu sa potvrdom o visini primanja za predhodna tri mjeseca, za nezaposlene osobe potvrda izdata od Biroa za zapošljavanje, za nezaposlene osobe koje nisu prijavljene na Birou za zapošljavanje potvrda izdata od PIO-MIO, za penzionere ček od penzije, za članove boračkih populacija dokaz o visini primanja iz Službe za boračko-invalidsku zaštitu, za punoljetne učenike i studente potvrda o redovnom školovanju, dokaz o primanjima iz Centra za socijalni rad),
5. vlasništvo ili posjed nad parcelom (kopija ZK izvadka, Posjedovnog lista ili Ugovor o zakupu zemljišta),
6. ovjerenu izjavu da podnosilac zahtjeva u poslednjih pet godina nije ostvario pravo na donaciju, dodjelu ili sufinansiranje nabavke platenika od općine, udruženja poljoprivrednika Vogošća, ministarstva, humanitarnih i drugih organizacija,
7. ovjerena izjava da će korisnik podsticaja dobijeni platenik zadržati u vlasništvu najmanje 3 godine od potpisivanja Ugovora,
8. ovjerena izjava da ne posjeduje platenik veći od 100 m² u svom vlasništvu

9. ovjerena izjava da će sufinansirati 20% od nabavne cijene plastenika sa pratećom opremom (487,00 KM),
10. ovjerena izjava da će obavezno prisustvovati edukaciji iz oblasti plasteničke proizvodnje u trajanju od dva dana,
11. ovjerena izjava da je podnosilac prijave kao nosilac podataka, a u skladu sa članom 5. stav 2. Zakona o zaštiti ličnih podataka („Službeni glasnik BiH“ broj 49/06 i 76/11) saglasan da Općina Vogošća, kao kontrolor podataka, može obrađivati njegove lične podatke u postupku po rješavanju njegovog zahtjeva za dodjelu plastenika od 100 m² i iste za potrebe ostvarivanja prava objaviti.

IV IZBOR KANDIDATA

Član 6.

Općina Vogošća objavljuje Javni poziv za predaju zahtjeva za dodjelu plastenika. Javni poziv sadrži uslove i kriterije koje kandidat mora ispunjavati, potrebnu dokumentaciju i rok za podnošenje zahtjeva. Izbor kandidata za dodjelu plastenika vrši se na osnovu pristiglih prijava na Javni poziv.

Član 7.

Općinski načelnik imenuje Komisiju za dodjelu plastenika (predstavnik organizacije „Muslim Aid“ i predstavnici Općine).

Zadatak Komisije za dodjelu plastenika:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje, te dostavljanje iste Općinskom načelniku.

Saglasnost na predloženu rang listu kandidata daje Općinski načelnik na prijedlog Komisije za dodjelu plastenika.

Rang lista odabranih kandidata će biti objavljena na oglasnoj ploči Općine i službenoj web stranici Općine Vogošća

Član 8.

Izabrani kandidati potpisuju dvopartitni Ugovor o dodjeli plastenika, kojim će biti regulisana sva dalja međusobna prava i obaveze.

Član 9.

Pravilnik stupa na snagu danom donošenja.

Broj : 02-24-1547/18
Vogošća, 10.09.2018.godine

